

09.03 PROFIL

Beat Grond: «Igl è anc grev dad esser adina dependent d'agid»

Avant trais onns è l'um pensiunà sa disgrazià cun l'e-bike e turnà suenter nov mais puspè a chasa en la sutga cun rodas. Suenter quel accident l'october dal 2020 è la vita da Beat Grond sa midada cumplettamain.



Beat Grond è tras sias feridas tetraplegicher. Tuttina vegn l'um da 77 onns da muventar sia bratscha ed er duvrar ella. Suenter avair passentà 9 mais al Center per paraplegia Svizzer a Nottwil, è il magister pensiunà turnà puspè a chasa en Val Müstair. Avant ses return il fanadur 2021, ha lur abitaziun stuì vegnir adattada per sa muventar cun ina sutga da rodas. Grazia ad in motorin che tira la sutga da rodas, po el er ir en gir tras vischnanca. Tuttina è Beat Grond dependent d'agid. Realisà quant ferm che sia vita è sa midada dapi l'accident, haja el pir successiva-main. Ch'el emprovia uss da simplamain far il meglier or da la situaziun e prender mintga di sco ch'el vegnia.

Redacziun: Anna Caprez